

天一閣藏明代方志選刊

延平府志

延平府志叙

世曰有司者練刑賦事乃筆筐篋為急業識治者譏  
之蓋政道有式今昔流遷劑質迺殊知治體者瞭晰  
于經國之書如志書者博登覽采以咸國憲政之式  
也郡之所山川之迤也土地之生也風氣之僻也  
俗習之迭也征賦之數也賢庸之履也險易之附也  
詞章之述也皆廣記而備言之貫之 王制本乎觀  
戒故業官者求多聞善敗以鑑懼亦務懼夫國志之

弊頓弗可考稽訊制儀昭明物則于志悉矣觀夫山川乃以紀國土地乃以稟征宣風以盪滌移俗以阜羨酌夫成賦憲夫臧否儆備疆場腴燁國華經國之政寓矣班序權式以象紀統比類揆酢以度于百為庶夫郡邑之治也阜而不疚故曰志者政之式也百代之資也善夫延守陳子大用之治延考其圖典刑法而觀其廢興崇振延志其知治體者經國之緒見矣纂輯厥紀以文締時知在鄭子舜祥之優

嘉靖乙酉孟秋望日晋安林鉞撰

延平府志叙終

延平府志叙

余往歲得告歸自留都卧病劍溪草堂時同年南嶠  
陳子方秉郡旄聽六邑之政時和歲豐郡以無事陳  
子曰駕軒車屏騶從過余草堂爲論文之雅問及余  
以郡志余曰郡故無志宋端平間有作者殊蕪鄙不  
足觀先郡守孫侯暨先達宮保劉公雅倡斯典禮聘  
莆田黃仲昭氏爲之今所傳郡志是矣閱歲既久板  
刻散失余先師胡九峯氏續爲之稿未及成九峯不

幸以死余以祿食走四方歸不及見先生及所以爲志之意能不恨歟陳子曰子爲我爲之余曰不肖何足以當此夫志亦史也備物垂遠明善章視學不傳何以該物見不精何以執幾心不公何以止謗三者備可以言志矣夫公可能也傳與精不可能也備此三者其吾友林子克相乎陳子曰子姑創厥始吾爲子致林子廼檄永安學博辛君佑之相與纂輯越三月稿成林子不果來陳子曰是亦足以傳矣於是再

加校理刻之以求正於林子且以示來者云同是舉  
者貳守羅君相之通候余君廷獻表重斯文倡而能  
和皆與有功焉

嘉靖四年乙酉秋九月望劍溪病夫鄭慶雲叙

ED57/09

一九六一年十二月上海古籍書店據寧波天一閣藏明嘉靖刻本景印原書版框高二〇公分寬一四·五公分

延平府志目錄

地理志四卷

一卷

沿革

分野

疆里

郡名

形勝

風俗

二卷

山川

三卷

坊市

鄉都

橋渡

城池

四卷

古蹟

丘墓

寺觀

宮室

食貨志一卷

戶口

土田

水利

坑冶

土貢

財賦

差役

物產

官師志五卷

一卷

職員

二卷

歷官

文職

三卷

歷官

武職

四卷

名宦

五卷

名宦

宦蹟

公署志一卷

學校志一卷

祠祀志一卷

祠廟

壇壝

選舉志一卷

進士

舉人

歲貢

例貢

薦辟

蔭叙

貤封

恤恩

人物志四卷

一卷 道學

二卷 名臣

三卷 良吏 儒林 文苑

四卷 孝義 忠烈 武功 寓賢

隱逸 仕蹟 烈女

藝文志二卷

一卷 紀述

二卷 詩

方技志一卷

祥異志一卷

拾遺志一卷

延平府目錄終

地理志卷之一

徵仕郎南京禮科給事中郡人鄭慶雲纂

延平府永安縣儒學教諭順德辛紹佐同纂

在昔元胎闡象大毒流形天樞既張地軸攸立上古  
邈矣弗稽弗傳惟堯興唐禹平水土以為九州虞舜  
紹傳厥功彌劭表綱類而分區宇考川原而正疆域  
書曰肇十有二州封十有二山是矣周禮職方掌夫  
下之士以周厥利保章辨九州之野皆有分星揚州

之域七閩斯繫漢唐五代以來尤為僻土宋德龍興  
東南啓運衣冠文物雄視中州南劔道學之邦寔稱  
鉅郡夫沿革興廢之由形勢流風之遠山川土田之  
富不有紀述又何觀焉諸有民社之寄因人情而定  
理考山澤而興利脩舉廢墜以邀福於民至於紛有  
更變弗利而殃茲固無望於上之人爾已志地理

沿革分野疆里郡名形勝

風俗山川坊市鄉都橋渡

城池 古蹟 丘墓 寺觀 宮室

沿革

夏商書

揚州之域 宋蔡沉曰揚州北至淮東南至于海

周職方

七閩地

秦

隸閩中郡

卷之二 七